



Bank of Botswana

19 August 2026

KITSISO MO SECHABENG

TIRISO LE TSAMAIISO YA MADI A DITSHIPI A TLHWATLHWA EE KWA TLASE

Banka ya Botswana (Banka) e gakolola sechaba le bagwebi gore madi a tshipi a tlhwatlhwa ee kwa tlase, bogolo jang 5 Thebe le 10 Thebe, a tshwanetse go dirisiwa mo go tsa theko le thekiso ka jaana e le madi a a letlelesegang ka fa molaong. Madi a, le ntswa a le tlhwatlhwa e e kwa tlase, a botlhokwa ka jaana a thusa mo itsholelong, segolobogolo mo go beeng ditlhwatlhwa le go dirisiwa mo go neeleng chenchhi e e tshwanetseng.

Banka e amogetse dipego tsa go tlhabela ga 5 thebe, bogolo jang ha go tla ko go reng bagwebi ba busetse bareki chenchhi. Le fa go ntse jalo, dipalo tsa Banka tsone di supa fa go na le ma 5 thebe a a lekaneng mo sechabeng. Seemo se, se supafala se bakwa ke gore mangwe madi a beilwe mo mabolokelong ka lobaka lo lo leele go nale gore a isiwe dibankeng kgotsa go rekwe ka one. Se sengwe ke gore madi a a fitlhelwa gantsi a latlhetswe fa fatshe, a sa selwe a dirisiwa. Sechaba se rotloediwa go isa madi ao a ditshipi a tlhwatlhwa ee kwa tlase ko dibankeng go thusa gore a boele mo tirisong.

Banka e tswelela e gakolola sechaba go sala ditsetlana tse di latelang morago go rotloetsa tiriso ee lolameng ya madi a ditshipi aa tlhwatlhwa e e kwa tlase:

1. **Tshwara madi a ditshipi sentle** – Madi a ditshipi ga a tshwanela go konwa, go papetliwa, go latliwa le go tlogelwa fa fatshe. Madi a a senyegileng, a magologolo a tshwanetse go isiwa kwa dibankeng gore a emisediwe ka aa siameng.
2. **Dirisa madi a ditshipi fa go tshwanetseng** – Madi aa tlhwatlhwa e kwa tlase a ditshipi a tshwanetse go dirisediwa mo thekong ya dithoto tsa tlhwatlhwa e e kwa tlase le go busiwa e le chenchhi.

3. **Go isa madi a ditshipi kwa dibankeng** – Madi a ditshipi a a sa dirisiweng a tshwanetse go busediwa kwa dibankeng gore a neelwe ba ba a tlhokang ka nako eo. Banka e rotloetsa sechaba go ikokotleletsa madi, mme e gakolola gore madi ga a tshwanela go nna lobako mo mabolokelong a kwa lapeng, ka se se ama tiriso ya one ya go dirisiwa ke batho ba bangwe mo go tsa theko, thekiso le dithuelo.
4. **Lemoga bokao jwa madi otlhe** – Madi otlhe aa ntshitsweng ke Banka ya Botswana aa mo tirisong a na le boleng ebile gape a santse a le karolo ya madi a sechaba, go sa kgatlhalesege gore ke bokae.

Banka ya Botswana e tsweletse ka go kgolaganya le ba na le seabe ba e dirisanang le bone, go itebaganya le seemo se go thusa go busetsa madi a ditshipi a tlhwatlhwa ee kwa tlase mo tirisong lefatshe lotlhe la Botswana. Banka e kopa sechaba go thusa gore madi a tlhwatlhwa ee kwa tlase a nna teng mo tirisong.

Go itse go feta fa, o ka ikgolaganya le Banka ya Botswana ka go leletsa, Dr. Seamogano Mosanako, Head of Communications and Information Services, nomoro tsa mogala +267 360 6083; 360 6382; +267 360 6315. Kgotsa o ka kwalela kwa go mosanakos@bob.bw. Dikitsiso tse dingwe di mo maranyaneng a Banka kwa www.bankofbotswana.bw